

NAKHLIPE

Kava lil avel palal ko realizatsiya amaro Proekti „Rodiba, arakhiba tay populyarizirima romano falklori andar Purni (Upralni) Trakiya, kay kerdyas o Druzhestvo „Edelvays“ – Rakitovo thay si finansirime katar Instituti „Phutardo khidipe“ – Budapeshta. Iz ko oktombri 1999 b. zhi ko may 2000 b. ame phirdyam gav zhi gaves, diz zhi diza ko Pazarjishko regioni – Belovo, Septemri, Simeonovets, Semchinovo, Bratanitsa, Vetren dol, Varvara, Tserovo, Lesichovo, Vinogradets, Kalugerovo, Dinkata, Chernogorovo, Ovchepoltsi, Malo Konare, Ognyanovo, Sinitevo, Ivaylo, Zvanichevo, Pazarjik. Arakhlyam thay dikhlyam amen but phure romentsa.

Ko Pazarjishko regioni isi but roma. Ekh bari kotor lendar si horahane, i po-tsikni kotor si dasikane. Po but katar ko horahane roma na zhanen pi romani chhib thay si preferirime lengeri identifikatsiya karig ko horahaya (turki). Okola kate na keren pes horahay vakeren li pi romani chhib (erlikano dialekti), li horahanes. Sapore horahane roma si myusyulmane.

E dasikane roma si ortodoksalna hristiyane. Zhanen pi romani chhib. Kate vakerel pes trin dialektorya – erlikano, vlahichko thay kalayjikano.

Pash sapore romende nakhlyas baro evangelizatsionno protsesi.

Bute gavende kay phirdyam, na araklyam but manushen te mangel te vakeren amenge romano falklori. Po-but lendar mangle amendar love pe butyake. Pal pale sar si vakerde, choka hramondem but paramisya, legendes, memorate, gilya, godyaveripe thay vakyaripe romane chhibate thay te irinas len bulgarikanes. Po-but lendar si kate. Ki romani chhib e tekstorya si avtentichna thay on si funktsiya katar chhibakiri kompetentsiya manushendar, kay vakerde len amenge. O bulgarikano preirima si pash-pashes zhi ko romano vakeriba.

Baht thay sastipe sapore romenge kay dine po mieskoro barvalipe amenge, ame pala te das les tumenge te genen thay te vakeren len.